

**საქართველოს იუსტიციის**

მინისტრის ბრძანება №52

2010 წლის 10 მარტი

ქ. თბილისი

**ნოტარიუსთა რეესტრის ფორმისა და რეესტრის წარმოების წესის დამტკიცების შესახებ**

„ნოტარიუსთა შესახებ“ საქართველოს კანონის მე-16 მუხლის მე-4 პუნქტის შესაბამისად, ვბრძანებ:

1. დამტკიცდეს ნოტარიუსთა რეესტრის ფორმა (დანართი №1).
2. დამტკიცდეს ნოტარიუსთა რეესტრის წარმოების წესი (დანართი №2).
3. 2010 წლის 1 აპრილამდე საქართველოს იუსტიციის სამინისტროს სამართლებრივი უზრუნველყოფის, რეგისტრაციისა და ნოტარიუსთა დეპარტამენტმა უზრუნველყოს მოქმედი ნოტარიუსების რეესტრში რეგისტრაცია ამ ბრძანებით დადგენილი წესით.
4. ეს ბრძანება ამოქმედდეს გამოქვეყნებისთანავე.

**ზ. ადეიშვილი****შეტანილი ცვლილებები:**

1. საქართველოს იუსტიციის მინისტრის 2012 წლის 14 ივნისის ბრძანება №101 - ვებგვერდი, 14.06.2012 წ.

**დანართი №1****ნოტარიუსთა რეესტრის ფორმა**

ნოტარიუსთა სახელი, გვარი, დაბადების თარიღი, პირადი ნომერი	სამუშაო ადგილის მისამართი	ნოტარიუსის თანამდებობაზე დანიშვნის აქტის რეკვიზიტები	რეესტრში რეგისტრაცია - ციის თარიღი	ნოტარიუსის თანამდებობიდან გათავისუფლების აქტის რეკვიზიტები	რეესტრიდან ამორიცხვის თარიღი	შენიშვნა

**დანართი №2****ნოტარიუსთა რეესტრის წარმოების წესი****მუხლი 1**

1. ნოტარიუსთა რეესტრი (შემდგომში – რეესტრი) არის ნოტარიუსების შესახებ მონაცემთა სისტემური ერთობლიობა.

2. რეესტრის წარმოებას უზრუნველყოფს საქართველოს ნოტარიუსთა პალატა ელექტრონული ფორმით. რეესტრი უნდა გამოქვეყნდეს საქართველოს ნოტარიუსთა პალატის ვებგვერდზე.

საქართველოს იუსტიციის მინისტრის 2012 წლის 14 ივნისის ბრძანება №101 - ვებგვერდი, 14.06.2012 წ.

**მუხლი 2**

რეესტრის ფორმა (დანართი №1) უნდა შეიცავდეს შემდეგ რეკვიზიტებს:

- ა) ნოტარიუსის სახელი, გვარი, დაბადების თარიღი, პირადი ნომერი;
- ბ) სანოტარო ბიუროს მისამართი;
- გ) ნოტარიუსის თანამდებობაზე დანიშვნის აქტის რეკვიზიტები;
- დ) რეესტრში რეგისტრაციის თარიღი;
- ე) ნოტარიუსის თანამდებობიდან გათავისუფლების აქტის რეკვიზიტები;
- ვ) რეესტრიდან ამორიცხვის თარიღი;
- ზ) შენიშვნა.

**მუხლი 3**

1. რეესტრში ნოტარიუსს ენიჭება შესაბამისი ნომერი, რაც განისაზღვრება ნოტარიუსთა თანამდებობაზე დანიშვნის რიგითობის მიხედვით.
2. ნოტარიუსების შესახებ მონაცემები (ამონაწერი) გაიცემა რეესტრიდან

